

SISWATI LULWIMI LWEKUCALA LIZINGA LELIPHAKEME (Liphepha Lekucala)	113-1/1 Q
--	------------------

2

**LITIKO LEMFUNDVO LASEGAUTENG
KUHLOLWA KWEBANGA LESHUMI NAMBILI**

**OCTOBER / NOVEMBER 2005
OKTOBER / NOVEMBER 2005**

**SISWATI LULWIMI LWEKUCALA
LIZINGA LELIPHAKEME
(Liphepha Lekucala)**

SIKHATSI: 2½ ema-awa

EMAMAKI: 100

CAPHELA:

- Leliphepha linetigaba letintsatfu A; B na C.
 - Phendvula yonkhe imibuto.
 - Fundzisa umbuto ngamunye ngaphambi kwekutsi uwuphendvule.
 - Hlela umsebenti wakho ngendlela lekuhlelwe ngayo imibuto ephepheni.
-
-

SIGABA A

UMBUTO 1

1.1 Fundza lendzatjana bese uphendvula imibuto lelandzebuko

Behlukana esiteshini semabhasi kwaba ngulowo wabamba lecondze kakhe. Sebehlukene LaVilakati akazange atfole kuphumula enhlityweni yakhe. Abeloku alwa nemicabango leyayifika njengemsakato wetitfombe. Kulokunye abetisola ate afise kungatsi ngabe kunendlela yokuncandza Mzimela. Yayingasekho indlela yekumjikisa manje. Nome abesacabanga kugucula umcondvo, lowo mcondvo wawuphelela eteni ngobe ati kahle kutsi nakuye kungasho kulahlekelwa ngumphefumulo wakhe. Kwatsi nalapho efika ekhaya bantfwana bamjabulele, yena kwakhe kwangete kwafana naloko kwasemihleni. Abebukeka aphantsekile, wate wacala emanga kuMhlanga lapho umbuto imphilo wamtjela kutsi akaphili kahle.

Sekuyawulwa LaVilakati wangena ekamelweni lebantfwana. Kwametfusa loko Mhlanga. Kodvwa watsi lapho abuta wamtjela kutsi ngenca yekudvubuteka emtimbeni ubona kuncono alale embhedeni webantfwana ngobe wona wemapulangwe uphatsana kahle nawungaphili. Leyo mphendvulo yamenelisa Mhlanga wangatsandzi kubeloku andza nemagama. Lokwafike kwamphica nje kutsi umkakhe aphume samuntfu loyocitsa emanti, atsi nasabuya angete akhiya emnyango. Emva kwemizuzu lengemingaki waphuma futsi La Vilakati waphindza sona lesa nakabuya.

“Hawu! make longatsi awukakhiyi emnyango?” Lowo mbuto watibuta watiphendvula umntfwana Mhlanga. Naye manje wavele wabona kutsi lukhulu luhloswe nguLaVilakati. Ababange asatsandza kubuye atihluphe abe avuka ayawukhiya emnyango.

Lapha endlini kwakumnyama kodvwa hhayi kakhulu ngobe kwakunenyeti. Phela Mhlanga abesadvonse lizembe lakhe alibeke dvute naye ngobe wesuke weva ahanjelwa ngumtimba. Kwatsi emva kwesikhashana kwevakala tigi ngaphandle. Mhlanga wabona kuncono avuke ahlale ngetibunu. Watsi asahleti kwatsi akasukume; nembala wehla embhedeni wema emva kwesivalo solo aphetse lizembe lakhe. Sakhala kanye sivalo babe sebangekhatsi kuhamba Mzimela embili. Wangena macedze wacondza khona embhedeni njengobe abelayelwe. Watsinakatsi uyawuphelelisela umkhwa wakhe kuMhlanga kantsi ugwaza umbhede longenalutfo. Kulowo mnyama weva lizembe likhala enhloko. Mhlanga watsi nakatsi ufuna kugalela kwesibili weva asabanjwa ngulonye indvodza. Tatfolana etulu kwaba ngulongaphansi ngulongetulu. Kwachuma sibhakela, sicutfulo, ematinyo, beva nekwekhamana.

Kwakulukhuni kuMhlanga ngobe abebhekene nebantfu lababili nome nje lona lomunye abesafutselwa linceba lelizembe. Inkhosi yamupha emandla langawati Mhlanga ngalelo langa. Ulwa nje akakathuli lapha emlonyeni seloku ayihlabe njalo inyandza leyo. Ekamelweni lebantfwana LaVilakati abethule samuntfu lofile. Umnikati wenzaba, Mzimela, wanele kubona kutsi akulula wavele waphuma ngesemagundwane washiya umngani alwa yedvwa.

Kulowo mgudvugudvu Mhlanga waba nenhlanhla watsi uyevisela ngelitinyo wahlangana nemlomo. Akabange asawuyekela wavele walususa ludzebe lwangetulu wahlanganisa nesigamu semphumulo. Indvodza yasala isineke njalo ngobe kungasekho lokuvimba ematinyo angetulu. Kulolunye luhlangotsi naMhlanga wetfuka asalumitile ludzebe lolo. Umfokati eva kushisa walwela kwekutsi aphunyuke. Kwatsi lapho kuvela sikhala wavele watsi tinyawo ngetfwale.

Kwaba akakaphunyuli umfokati, wanhlanhlatseka nesiganga angati nekutsi indlela ingakuphi, besasitwa ngiko kutsi kwakunenyeti. Endleleni wahlangana nemavodza labephalala ngekuva kuhlatjwa inyandza leyo. Lenye yalamadvodza wayishayisa yaye yayawusakateka ekudzeni. Bonkhe baphubuka bahleka ngobe kute labeyilindzele lentfo leyenteka. Batsi befika bakhandza Mhlanga abovu tju ingati. Bavele bafuna imoto kulobo busuku bamphutfumisa esibhedlela. Nefika esibhedlela Mhlanga wacala kugonyuluka samunfu lofuna kuhlanta. Bonesi baphutfuma bamniketa sitja sekuhlantela. Batsi basibeke embikwakhe wabe abhoboka ahlanta. Kwaphuma emabhudlo engati. Kulawo mabhudlo kwabonakala kuphuma licatsa lenyama, batsi lapho babukisisa bakhandza kutsi kudzebe lwemlomo wemunfu. Bonesi bema bukhwimilili labanye betfuka sebaphubuka bahleka ngobe lftumbu linjalo nje.

“Ingabe ematinyo uwambonye ngani lomunfu weNkhosi?”
Sekusho lomunye wabonesi ashumpha luhleko.

Latsi lifutfumala lilanga wabe asabanjiwe umngani waMzimela lowatsi ngenxa yekungati indzawo wetfuka asatitsela emtini lonebantfu lebesebavile ngalenhlekelele yakaMhlanga. Ngekumbona ashone ingati ababanga basachitsa sikhatsi bavele bambamba bamyisa khona emaphoyiseni. Ngekubona kutsi sewophe kakhulu emaphoyisa amphutfumisa esibhedlela kucala atotfofa kwelashwa. Nome abelimele umunfu lo, kodvwa lokwafike kwakhanga bonesi kutsi siguli sasingenalo ludzebe lwangetulu. Njengobe indzaba yase ibikelwe emaphoyiseni bonesi bavele batsatsa umbmo kutobona kutsi awusiwo yini walendvodza. yebantfu.

Ngenca yekufutselwa ngemanceba lendvodza yase ihhema nje. Indzaba yaphuma yonkhe lapho emaphoyisa asambuta. Emaphoyisa abuta imibutwana lemibalwa, kepha yena akazange ayilandzele wavele wayicala phansi yonkhe indzaba wayetsa njengobe injalo.

Bonkhe lababelapho basebesaba ngisho kumbuka Mhlanga lowalala embhedzeni wakhe kwangatsi vele ufile, phela abemangaliswe ngulenzaba labeyiva ngalomfokati. Etindlebeni takhe kwaba ngatsi uyaphupha, wate watincinta eva kutsi uva cobo yini. Asavalelwe umngani waMzimela, emaphoyisa aphuma angena etindzaweni letehlukene afuna Mzimela. Phela luhala abelukhonjwa nguye uLaVilakati.

- 1.1.1 LaVlakati utsi uyagula. Pho, kuyawumsita ngani kulala endlini yebantfwana? (2)
- 1.1.2 Ngabe LaVlakati wasebentisa lisu lini kwentela kutsi boMzimela bangene kalula endlini kaMhlanga? (2)
- 1.1.3 Wena ucabanga kutsi Mzimela bekati njani kutsi Mhlanga ulala kuliphi likamelo. (1)
- 1.1.4 Kusho kutsini lokutsi Mhlanga bekalwa kepha ngala, ahlaba inyandza leyo? (1)
- 1.1.5 Kulala acamele silimato kwamsita ngani Mhlanga? (2)
- 1.1.6 Yini leyacaka basesibhedlela ngalesikhatsi Mhlanga ahlanta? (2)
- 1.1.7 Indvodza lengenaludzebe yona yafika njani emaphoyiseni? (2)
- 1.1.8 Emaphoyisa asebentisa buciko buni kutfolela kutsi lesigebengu ngiso besinaMzimela nakuhlaselwe Mhlanga? Chaza kabanti. (3)
- [15]**

1.2 Fundza nalesicashunwa bese uphendvula imibuto lelandzelako:

Kwabhodvuka tjani endleleni ngobe lamajaha abuya abuyile kutowuvulela indzaba yawo. Lomathemba wazuba wazuba wacina asatsambile wavele wasemukela sicelo saSipho Ngidi. Pho abeyidla yini indvwangu umfo kaNgidi kantsi nebusweni abemuhle. Kujabula labanako ngalelo langa lamajaha, ngeke kuchazwe ngumuntfu. Akaphelanga malanga babuya batocele kutsi sebake bahambe naye bayokhombisa batali babo. Bavumelana base bemisa lilanga labetawubuya ngalo lamajaha.

Ngelilanga lelimisiwe, atseleka ekuseni nalifutfumala lilanga. Ngalelilanga kwakungatsi indvwangu sebayidle ngalokunye. Pho nalentfombi nayo yayigcoke intfontsa. Babevumelene kutsi batawuhamba naye baphindze bambuyise entsambama. Sebatfole lokuya ngasetfunjini baphuma bakhwenyana sebahamba naye Lomathemba. Yatsi lapho ifulatsela imoto yalamajaha seiyophuma esangweni, kwangukhona babona kutsi inombolo ayinayo.

“Hawu! nkosikazi, kantsi ngemahumusha yini lawa lahamba naLomathemba, loku naku imoto yawo ayinayo inombolo?” Kusho Zondivila efikelwa kwesaba. Ekusoleni kwakhe akabange achitsa sikhatsi, wavele washayela emaphoyisa. Emaphoyisa nawo avele asukumela etulu ngobe abati kutsi Lomathemba abesengotini lenganani.

“Impela sente liphutsa kutsi lomntfwana sivume ahambe yedwa nebantfu lesingabati nekutsi bakuphi nemango,” kuchuba Zondivila.

Kwasa ngalokunye manje kumfati wemlumbi. Kwasheshe kwabuya futsi engcondvweni yakhe kutsi lemoto akakhumbuli ngisho linye lilanga ime icondzile. Sonkhe sikhatsi beyima lukeke kute kungabonakali inombob yayo. Noko basale babhekisa tonkhe tintfo kuMdali.

Laphaya endleleni lebheke ekhabo lamajaha, imoto ayisagijimeli kona kuphila. Labasekhatsi besebabambe tibindzi. Yahamba libanga lelidze kungekho lokhulumisa lomunye lapha emotweni. Emehlo abesajikile kulabakhwenyana, umunfu abengeke asho kutsi ngabo laba bebahlekelela ngesikhatsi besuka kaZondivila. Lomathemba wacala kuhanjelwa ngumtimba manje ngobe abesabatse ubuka lowo akhandze kutsi bonkhe sebajike tilwane nje. Umshayeli yena abengakaze awuvule umlomo, ingani noma behlile yena abesele emotweni. Enhloko abefake sigcoko naloku lalishisa kangaka.

Kwatsi seliyawuhlala kunina yacala kuhamba kancane imoto yebakhwenyana. Lena yemaphoyisa leyayiloku ilandzela kancane yetfuka seyidvute kakhulu kulena yebakhwenyana, yasho yabhiika kamatima. Kwatsi lena yona yafaka emafutsa. Yatsi ngekwewela sigojana yema, umshayeli wagucuka wabuka ngakuLomathemba, wakhipha sigcoko labeloku asifake njalo.

“Lomathemba, uyayibona indlebe yami?” Wabuta lombuto macedze wasibuyisela enhloko sigcoko. Lomathemba kwaba sengatsi uyaphupha. Umcabango wakhe wagijimisa kwembane washeshe wayikhumbula indzaba yendlebe leyangcwatiwa netidvumbu letintsafu. Wavele wabona kutsi kusho kutsi ngumnikati wendlebe lowo labesabhekene naye.

“Bonkhe laba bomnaketfu. Mine nalona lowajubeka indlebe sasindza ngekulambisa mhlazana usidubula.” Lawo ngemavi emkhwenyane lowabuya wachuba watsi: “Nawe ulibuka uyaligcina ntfombatana.”

Ngalesikhatsi Lomathemba kwasekungatsi uhucwe ngemlota. Weva koma ematse, watsi nalapho etama kukhuluma weva shengatsi lulwimi lwakhe selugcwele umlomo.

Emaphoyisa labeloku alandzela kancane atsi efuka abona etipopolweni tawo kutsi Lomathemba sewucalwe kushaywa ngetimpfama. Lowabeshayela wavele wanyatsela kakhulu emafutsa ngoba kwephuta kwabo kwakubeka imphilo yaLomathemba esimeni bsibucayi impela. Imoto yetigebengu yaphambuka yema kungatsi kukhona lokonakele yentela kutsi yengce lena yemaphoyisa. Nembala yenta shengatsi iyedlula lena yemaphoyisa yatsi lapho ifika ehlashananeni yema. Wehla umshayeli wavula ngembali asaphetse netipanela takhe wayigodlolota. Yatsi lapho ichamuka yetigebengu wayimisa samunfu locela lusito. Lapho icedzela kuma babe sebayihace ngemavolovolo bakasidldlo. Watsi wetama kuyisusa ngenkhani umshayeli watfola inhlavu leyamshaya yamvitsita sandla. Kwaba bubhudvubhudvu setetama kubaleka tigebengu letindzala, kepha konkhe loko kwaba lite ngobe emaphoyisa bawetfuka asatseleka

- 1.2.1 Njengoba bekalandzela ngemuva emaphoyisa abona njani kutsi Lomathemba sewuyashaywa?

(1)

- 1.2.2 Yini kutsiwe imphilo yaLomathemba isengotini? (2)
- 1.2.3 Zondivila nemkakhe ngabe yini leyenta basole kokutsi Lomathemba labantfu lahamba nabo batigebengu? (2)
- 1.2.4 Emaphoyisa asebentisa lisu lini kumisa imoto yetigebengu? (2)
- 1.2.5 Lomathemba wetfuswa yini loku asahluleka ngisho kukhuluma? (2)
- 1.2.6 Emaphoyisa besekamdubulelani sandla umshayeli engakoni lutfo? (2)
- 1.2.7 Caphuna emagama endzabeni achaza kutsi Zondivila ubetisola ngokutsi Lomathemba ahambe nebantfu lebangabati. (2)
- 1.2.8 Nabatamcela Nomathemba boSipho Ngidi bebatsi bamyisaphi? (2)

[15]

EMAMAKI ESIGABA A: [30]**SIGABA B****UMBUTO 2**

- 2.1 Fundza nayi indzaba lelandzelako, bese uyayifinyeta ngemagama langengci kuma-25. Utolahlekelwa yincenye yelimaki ngalelo nalelo gama lowengce ngalo.

Ngesikhatsi aboshwa Mabona bekaneminyaka lengemashumi lamatsatfu nesihlanu budzala, kepha lijele selamvova lamfohlota lamcedza sewungafunga ugomele utsi uneminyaka lengemashumi lalisontfo kantsi cha. Naloku lelijaha belikhanya ngelibala kodvwa nyalo sewaba mnyama khwishi sekwasala insotja kuphela. Mabona bekayindvodza lecatsa emtimbeni kodvwa nyalo sewaba ngangelutsi lwekuvungula ematinyo, ungatsi unesifuba sengati. Sewasala ngenhloko lengangeyeligenga. Sekwaphuma nematinyo angembali ngenhla nangephasi, ungabe usambona uma uhlangana naye.

Waphuma esangweni emveni kwekube akhombise umphatsi-lisango incwadzi yekukhululwa kwakhe, wacondza esiteshini semabhasi kaNesi. Wefika esiteshini sekanetfwe amajokolob. Bekanetfwe amanti shengatsi uvuka esikhotseni. Wefika wema esiteshini kodvwa wabatse umisa leyo naleyo bhasi yangemi ngobe onkhe agcwele icicima.

Emva kwesikhatsi lesidze emile lapho wabese ufikelwa kwekutsi kuncono ahambe ngetinyawo kuya elokishini kaSomlayidi lapho bekacashe indlu khona nemuti wakhe kube acoshwe emsebenitini aselindzele kutekwa kwelicala lakhe – phela tindleko tekucasha bameli kulelicala betitinkhulu lokwesabekako wagcina sekatsengise nemo to yakhe; nasemafulethini ekucashisa eLondon House, bese bamcoshile ngobe angakhoni kubhadala imali yekucasha, neyagesi kanye neyemanti.

Mabona wangenela umgwaco loya edolobheni eMbabane. Uma efika edolobheni wacishewashayiswa timoto uma efika kumarobhothi ngobe yena waboshwa kungenamarobhothi. Wahamba wacondza esiteshini lesikhulu semabhasi edolobheni kodwa watfoa kutsi sesatfutwa.

EMAMAKI ESIGABA B: [10]

SIGABA C

UMBUTO 3

3. Fundza lendzatjana bese uphendvula imibuto lelandzelako:

Imantji ikubhale konkhe loko ebhukwini layo lemtsetfo. Umshushisi ahlale phasi, alindzele lekutawukhulunywa yimantji. Ngaleso sikhatsi kuthule dlu enkantolo. Akuvakali nekukhwehela nje. Umuntfu angeke asho nekutsi kugcwele kuyaphuphuma. Sengatsi lelicala lelibitiwe liyabadzina nje banfu. Bona bafuna kutibonela Magangeni nebangane bakhe kuphela, beve kutsi imantji itsini ngabo.

Emuva kwekubhala sikhathana, itsatse imantji itsi: "Licala lakho liyahlehliswa ngesizatfu sekutsi ummangali kulelicala usesesibhedlela. Ngaloko-ke licala lakho litawungena mhla tilishumi enyangeni yeNgc. Kulungile-ke."

"Nkhosi yenkantolo, bengicela kutsi ngitokele ngaphandle," kucela Faduku.

"Utsini mshushisi ngalesicelo salommangalelwa?" kubuta imantji ibhekisa kumshushisi. (Labadzala nabatsi licala lelikhulu lifuna emajaji lakhulumako basuke bacinisile)

3.1 Endzatjaneni lengenhla nyomula emabito lamabili lawela kuletigaba letilandzelako:

3.1.1 Sigaba 9. (1)

3.1.2 Sigaba 1. (1)

3.2 Sebentisa libito "ummangali" emshweni lotibumbele wona wena. (2)

3.3 Kulomusho lotsi: "Bona bafuna kutibonela Magangeni nebangani bakhe kuphela." Ngabe sisetjentiswe njani sabito selucobo? (1)

3.4 Emishweni lelandzelako shano kutsi leso naleso sabito lesidvvetjelwe sinhloboni.

3.4.1 Imantji ikubhale konkhe.

3.4.2 Loko kusebhukwini layo lemtsetfo." (2)

- 3.5 Ngabe sitfolo muphi umcondvo kuletakhi talamagama lacashunwe endzabeni:
- 3.5.1 sikhashana. (2)
- 3.5.2 enkantolo. (2)
- 3.6 Senta msebenti muni siphawulo emshweni lolandzelako:
- “Licala lelikhulu lifuna emajaji lakhulumako.” (1)
- 3.7 Kulomusho: “Nkhosi yenkantolo, bengicela kutsi ngitokele ngaphandle,” kucela Faduku, chaza kutsi kungani Faduku asebantisa ligama ‘bengicela’ hhayi ‘ngicela’. (2)
- 3.8 Endzabeni lengenhla sitfolele sento sibe sinye lesisemphambosini yekwentisa nesento sibe sinye lesisemphambosini yekwentela: (2)
- 3.9 Ngabe tento letidvvetjelwe letilandzelako tikutiphi tindlela tesento?
- 3.9.1 Licala lelibitiwe liyabadzina. (1)
- 3.9.2 Bona bafuna kutibonela Magangeni. (1)
- 3.10 Emshweni lolandzelako dvwebela sentakutsi bese uyasho kutsi sisebente njani:
- Ngaleso sikhatsi kuthule dvu enkantolo. (2)
- 3.11 Kulomusho lotsi:
- “Umshushisi ahlale phasi, alalele lokutawukhulunywa yimantji.”
- Wena nyomula ligama lelisibanjalo ulisebentise emushweni lotibumbele wona. (2)

[20]

UMBUTO 4

4. Fundza nasi sicashunwa sendzaba bese uphendvula imibuto lelandzelako:

'Mntfwanami angitsandzi kukuvuna ngobe ngikutala. Ngako konkhe loku lokushoko nalokwentako, uyaticalekisa. Kwekucala nje, uhhehlula umuti walenye indvodza. Ngaleso sento sakho, wena, ngalomcondvo wakho bsadzakwe lutsandvo, awuluboni lusizi lose uludale kuloya muti, singakefiki kulowakakho. Leya ndvodza uyibulele. Onkhe ematsemba netifiso beyinato ngalomuti wayo uwabhidlitle, ahhihika hhihli. Bantfwabayo ubente tintsandzane.'

'Make, ngiyekele ngemithandazo nebungwele bakho. Kulungile ngiwucitsile. Nami labanye bayangicitsela.'

Bobani laba lebakucitselako? Akusuwe yini lona loticitselako ngalamanga lonawo ngalokuzama kungicabanisa nalomalukatana?'

- 4.1 Bhala emagama labomcondvophika walawa lacashunwe endzabeni:
- 4.1.1 uyaticalekisa. (1)
- 4.1.2 kwekucala. (1)
- 4.2 Bhala mcondvofana walamagama:
- 4.2.1 kuhhehlula. (1)
- 4.2.2 kubhidlita. (1)
- 4.2.3 lusizi. (1)
- 4.3 Ngabe ligama "lusizi" emshweni lolandzelako letfula nhloboni yelovelomagama? (2)
- 4.4 Endzabeni ngenhla nyomula:
- 4.4.1 Emabitosimo mabili (2)
- 4.4.2 Sento lesicuketse sivumelwano samentiwa wesigaba selibito 6 nesento lesicuketse sivumelwano samentiwa wesigaba selibito 3 udvwebele phasi sivumelwano ngasinye. (2)
- 4.5 Veta imicondvo lehlukene lemibili yaleligama: 'umuti'. (2)
- 4.6 Nika inchazelo lensha yeligama: 'kubulala.' (2)
- 4.7 Gcwalisa ngemagama lafanele etikhaleni kulesisho:
- Intsandzane _____, ngu-_____ ngunina. (2)
- 4.8 Titfolele ligama endzabeni lelichaza: "umunfu lomsikati lowendza ekhaya noma emtini webantfu." (2)
- 4.9 Bhala lelinye ligama lesiSwati lelihlonipha lelitsi, "malukatana". (1)

[20]
[40]

UMBUTO 5

5.1 Endzatjaneni lelandzelako lungisa wonke emaphutsa ekufundza nekubhala:

Uyasidzinwa! siyekele ngalengculazi yakho wena Dolly, Kubhoka Mafa asacala kufutfumala. Anganaki Dolly achubeke atsi, kusindza lababalekako umufana waseGoli. Nawungabaleki siyokubeka etintsabeni amatola, Kuphendvula Dolly ngesineke.

Kulendzatjana lelandzelako kukhona emagama langakabhalwa kahle. Lamanye afanele kubhalwa ngafeleba, lamanye afanele ahlanganiswe kutsi lamanye afanele ahlukaniswe: **Tomula onkhe emagama lanephutsa uwabhale phansi.**

10x½=[5]

5.2 Kufika kwebadzeshi kuleli lakangwane, kwaveta imisebenti lemisha lebeyingatiwa esiveni senkhosi. Lomunye walemisebenti kwaba kutfolakala kwemcebo waphasi, igolide, litje boya, insimbi naletinye tinhlobo tematje laligugu. Igolide lenyenti yatfolakala emjindini, lapho kwayekwachibuka lidolobha lelatiwa ngekutsi yibhaptini lamuhla. Kwavulwa imigodzi leminyenti, njengasebhonasi, eshiba naseFairview. Litjeboya lona latfolakala emntsolini. Kukhona nelitjeboya lelihamba etintsanjeni tagezi, lece eti kwetintsaba, litfutwa emkhatsini webhaptini neheveloku.

Tindzala kunetimayini tasejozi leti tasebhaptini. Umuntfu nabona buncane baleli dolobha angatsi layitolo, kantsi phindze, ushaye phasi, iJozi yelama lona

15x1=[15]

EMAMAKI ESIGABA C: [60]

EMAMAKI SEKAWONKHE: [100]